



Caritas  
RWANDA

# CARITAS CONTACT / IHURIRO RYA CARITAS

## Akanyamakuru ka Caritas Rwanda - 2025



# *Imyaka 66 mu iterambere ry'abaturarwanda*



Nyarugenge,  
Immeuble Librairie Caritas  
KN76 St 3  
P.O Box: 124 Kigali - Rwanda



+250252574344  
+250252574295



info@caritasrwanda.org



www.caritasrwanda.org



@CaritasRwanda



Caritas Rwanda



Caritas Rwanda



# Ishakiro

Ijambo ry'Ibanze .....	4
Amavu n'amavuko ya Caritas Rwanda .....	5
Abaperezida b'inama y'Ubutegetsyi ya Caritas Rwanda .....	6
Abanyamabanga Bakuru ba Caritas Rwanda .....	7
Umusaruro w'ukwezi k'Urukundo n'Impuhwe wa 2025 .....	8
Ukwezi kw'Urukundo n'Impuhwe 2025 mu maparuwasi.....	9
Amashami ya Caritas Rwanda n'ibikorwa byayo .....	14
Ishami ryita ku Batishoboye.....	14
Ibyagezweho mu Ishami ryita ku Batishoboye .....	15
<i>Abakuze bafashijwe gusoma no kwandika na Caritas bishimira ko bajijutse</i> .....	17
<i>Jean Paul na Alphonsine batuye heza nyuma yo kubakirwa inzu</i> .....	18
Ishami ry'Ubuzima.....	19
Ibyagezweho mu Ishami ry'Ubuzima .....	21
<i>Rulindo: Kwita ku bana bafite imirire mibi byatanze umusaruro</i> .....	26
Ishami ry'Iterambere .....	24
Ibyagezweho mu Ishami ry'Iterambere .....	25
<i>Yahoze ahingira abandi, none acuruza umusaruro w'abo yahingiraga</i> .....	26
Ishami ry'Ubutegetsyi n'Imari.....	27
Aho umutungo Caritas Rwanda ikoresha uturuka .....	28
Abafatanyabikorwa ba Caritas Rwanda .....	29
Gushimira .....	30
Komite ishinzwe ubwanditsi .....	31

## Ijambo ry'ibanze



Myr Anaclet Mwumvaneza, Umushumba wa Diyosezi ya Nyundo na Perezida w'Inama y'Ubutegetsi ya Caritas Rwanda.

Mu gihe twizihiza Yubile y'impurirane y'imyaka 2025 y'ugucungurwa kwa bene muntu, n'iy'imyaka 125 Inkuru Nziza imaze igeze mu Rwanda, tunejwe n'imyaka 66 Caritas Rwanda imaze ikora ibikorwa byo kwita ku batishoboye, inatanga umusanzu mu iterambere ry'Abanyarwanda.

Kuva yashingwa mu 1959, Caritas Rwanda yagize uruhare runini mu iterambere ry'imibereho n'ubukungu by'igihugu cyacu, yita cyane cyane ku bakene, abarwayi, abageze mu za bukuru, abafite ubumuga, impunzi n'abimukira, n'abandi, ari nako ifatanya na Leta mu kubaka umuryango utekanye. Caritas Rwanda kandi yakoze ibikorwa birebana no guteza imbere ubuzima, uburezi, n'iterambere ryuzuye rya muntu.

Mu mpapuro nke, aka gatabo karagaragaza urugendo rw'imyaka 66: harimo amavu n'amavuko ya Caritas Rwanda, ibikorwa yakoze

n'umusaruro wavuyemo. Karagaragaza ubuhamya bw'ubutumwa bwa Kiliziya bushingiye ku Ivanjiri, ari bwo kugaragaza urukundo rw'Imana mu buryo bufatika binyuze mu bikorwa by'impuhwe n'urukundo.

Turashimira byimazeyo abantu bose, bashyigikiye ubutumwa bwa Caritas Rwanda, mu buryo buziguye cyangwa butaziguye: barimo Guverinoma y'u Rwanda, Caritas za diyosezi, paruwasi kugeza mu miryangoremezo, imiryango y'abiyeguriye Imana, abafatanyabikorwa batandukanye, abayobozi ku rwego rw'Igihugu n'abo mu nzego z'ibanze, ndetse n'abakorera bushake n'abafatanyabikorwa kamara (bakunze kwitwa abagererwa-bikorwa).

Aka gatabo katwerekana ibyakozwe mu gihe cyatambutse, kakanadutera imbaraga zo gukomeza ubutumwa bwo gukora ibikorwa by'urukundo no kwita ku badukeneye bese, kugira ngo Ivanjiri ya Yezu Kristu ikomeze ijye mu bikorwa mu butumwa bwa Kiliziya bwo kwita ku batishoboye.

Imana ibahe umugisha hamwe n'abagize umuryango mugari wa Caritas, kandi idushoboze guhora turi ibikoresho by'impuhwe n'urukundo byayo.

**Myr Anaclet Mwumvaneza**

## Amavu n'amavuko ya Caritas Rwanda




**Abepiskopi bari kumwe n'intumwa ya Papa mu Rwanda, Musenyeri Arnaldo Catalan, ku cyicaro cyabo.**

Caritas Rwanda yatangijwe n'Abepiskopi Gatolika bariho icyo gihe mu Rwanda, uwa Kabgayi n'uwa Nyundo, mu 1959. Bayihaye izina rya Secours Catholique Rwandais, ryaje guhinduka Caritas Rwanda mu 1963.

Intego y'ibanze yo kuyishinga yari ukugira ngo ikemure ibibazo byihutirwa byari byugarije abatishoboye, birimo gutabara abahuye n'ingaruka za politiki mbi yari mu gihugu, guhangana n'ingaruka z'ubukene, indwara, ibiza n'ibindi.

Uko imyaka yagiye ihita indi igataha, ku bikorwa by'ubutabazi, Caritas yongeyeho ibikorwa by'iterambere n'ibyo kwita ku buzima. Kuri ubu, Caritas Rwanda ikorera mu gihugu hose ibinyujije muri Caritas 10 za Diyosezi, Caritas 236 za Paruwasi, Caritas za santarali 1.016 n'imiryango remezo 34.080.

### Amateka ya Caritas Rwanda



## Abaperezida b'inama y'Ubutegetsi ya Caritas Rwanda

1959 - 1972

Nyiricyubahiro Myr André  
Perraudin




1972 - 1997

Nyiricyubahiro Myr Jean Baptiste  
Gahamanyi



1997 - 2022

Nyiricyubahiro Myr Thaddée  
Ntihinyurwa




2022 kugeza ubu

Nyiricyubahiro Myr Anaclet  
Mwumvaneza



## Abanyamabanga Bakuru ba Caritas Rwanda



## Umusaruro w'ukwezi k'Urukundo n'Impuhwe wa 2025

Mu mwaka wa 2025, umusaruro w'ukwezi k'Urukundo n'Impuhwe wabonetse ungana na **Frw 239.508.573**. Imbonerahamwe ikurikira, iragaragaza uko umusaruro wabonetse mu myaka itatu ishize.

2025			2024			2023		
N°	Diyosezi	Inkunga yakusanyijwe (Frw)	N°	Diyosezi	Inkunga yakusanyijwe (Frw)	N°	Diyosezi	Inkunga yakusanyijwe (Frw)
1.	Ruhengeri	48.853.604	1.	Ruhengeri	35.197.623	1.	Nyundo	28.366.727
2.	Nyundo	40.373.726	2.	Nyundo	33.146.397	2.	Ruhengeri	25.198.908
3.	Kigali	36.331.570	3.	Cyangugu	21.313.555	3.	Kigali	21.265.925
4.	Kabgayi	31.372.848	4.	Kigali	21.282.851	4.	Kibungo	16.989.261
5.	Cyangugu	25.098.940	5.	Gikongoro	16.801.310	5.	Cyangugu	15.365.901
6.	Gikongoro	24.245.147	6.	Kabgayi	16.608.098	6.	Gikongoro	13.660.140
7.	Kibungo	14.804.362	7.	Kibungo	11.121.587	7.	Byumba	13.189.735
8.	Butare	10.426.271	8.	Byumba	6.006.180	8.	Kabgayi	5.501.165
9.	Byumba	7.287.105	9.	Butare	3.057.075	9.	Butare	3.878.360
<b>Ahandi haturutse inkunga</b>			<b>Ahandi haturutse inkunga</b>			<b>Ahandi haturutse inkunga</b>		
11.	Abakozi ba Caritas Rwanda	715.000	11.	Abakozi ba Caritas Rwanda	595.000	11.	Abakozi ba Caritas Rwanda	278.000
<b>Igiteranyo</b>		<b>239.508.573</b>	<b>Igiteranyo</b>		<b>165.129.676</b>	<b>Igiteranyo</b>		<b>143.694.122</b>

### Igereranya musaruro wa 2024 na 2025

Mu myanzuro y'inama yahuje Caritas za Diyosezi na Caritas Rwanda yabereye muri Diyosezi ya Ruhengeri ku itariki ya 8 n'ya 9 Nyakanga 2025, buri Caritas yihaye umuhigo wo kuzamuraho byibuze 20% ku musaruro w'Ukwezi kw'Urukundo n'Impuhwe wa 2024, kandi byagezweho nk'uko bigaragara mu mbonerahamwe ikurikira:

N°	Diyosezi	Umusaruro wa 2025	Umusaruro wa 2024	Inyongera ku ijanisha rya 20%
1.	Ruhengeri	48.853.604	35.197.623	39%
2.	Nyundo	40.373.726	33.146.397	22%
3.	Kigali	36.331.570	21.282.851	71%
4.	Kabgayi	31.372.848	16.608.098	90%
5.	Cyangugu	25.098.940	21.313.555	18%
6.	Gikongoro	24.245.147	16.801.310	44%
7.	Kibungo	14.804.362	11.121.587	33%
8.	Butare	10.426.271	3.057.075	241%
9.	Byumba	7.287.105	6.006.180	21%
<b>Ahandi haturutse inkunga</b>				
10.	Abakozi ba Caritas Rwanda	715.000	595.000	20%
<b>Igiteranyo</b>		<b>239.508.573</b>	<b>165.129.676</b>	<b>45%</b>

**Ukwezi kw'Urukundo n'Impuhwe 2025 mu maparuwasi****Diyosezi ya Gikongoro**

N°	Paruwasi	Inkunga yabonetse	N°	Paruwasi	Inkunga yabonetse
1.	Ruheru	2.029.900	11.	Bishyiga	1.236.747
2.	Mushubi	1.950.050	12.	Nyabimata	1.024.350
3.	Muganza	1.851.053	13.	Masagara	982.125
4.	Mbuga	1.773.920	14.	Kiziri	966.480
5.	Gikongoro	1.559.100	15.	Kaduha	960.000
6.	Busanze	1.468.310	16.	Cyanika	958.650
7.	Kibeho	1.456.264	17.	Gatare	750.000
8.	Kivu	1.373.590	18.	Kibumbwe	715.105
9.	Kitabi	1.360.227	19.	Nyarunyinya	518.933
10.	Kirambi	1.267.750	20.	Ruramba	505.000
<b>Igiteranyo</b>			<b>24.707.554</b>		

**Diyosezi ya Butare**

N°	Paruwasi	Inkunga yabonetse	N°	Paruwasi	Inkunga yabonetse
1.	Mugombwa	1.339.480	14.	Magi	300.667
2.	Higiro	800.000	15.	Nyumba	287.693
3.	Kirarambogo	765.691	16.	Ngoma	262.200
4.	Gisagara	686.440	17.	Rango	200.000
5.	Kiruhura	514.000	18.	Rugango	200.000
6.	Nyamiyaga	533.333	19.	Mbazi	191.533
7.	Busoro	433.200	20.	Karama	160.933
8.	Kansi	400.193	21.	Simbi	159.020
9.	Gakoma	400.000	22.	Save	138.000
10.	Cyahinda	394.400	23.	Gikore	127.100
11.	St Dominique	380.133	24.	Kibirizi	85.000
12.	Cathedrale de Butare	353.653	25.	Ruyenzi	80.000
13.	Nyanza	333.733	26.	Byiza	66.667
<b>Ahandi haturutse inkunga</b>					
27.	Mois de la Charité Sr Auxiliaratrice	300.000	33.	Centre de santé de Gikore	50.000
28.	Personnel Caritas	160.000	34.	ENDPK	33.200
29.	Srs Bernardine	100.000	35.	Centre de santé de Kansi	30.000
30.	Carmelites Thérèse	100.000	36.	Abizeramariya Butare	5.000
31.	Petit Séminaire Vilgo Fidelis	80.000	37.	Frères des Ecoles Chrétiennes	5.000
32.	Nduwamungu JDD	50.000			
<b>Igiteranyo</b>			<b>10.426.271</b>		

**Diyosezi ya Kabgayi**

N°	Paruwasi	Inkunga yabonetse
1.	Kabgayi	5.047.369
2.	Gihara	4.456.800
3.	Kanyanza	2.666.600
4.	Byimana	1.409.747
5.	Nyarusange	1.369.990
6.	Kayenzi	1.186.240
7.	Kivumu	1.029.080
8.	Kamonyi	1.004.507
9.	Gitare	937.333
10.	Ruyenzi	933.333
11.	Muyunzwe	916.200
12.	Mushishiro	913.333
13.	Ntarabana	488.600
14.	Ngamba	880.640
15.	Gitarama	865.200
16.	Mugina	782.860
17.	Nyabinoni	765.667
18.	Ruhango	638.027
19.	Kabugondo	615.165
20.	Kizibere	551.853
21.	Kinazi	497.367
22.	Gisovu	476.133
23.	Kabacuzi	473.250
24.	Musambira	413.360
25.	Kibangu	404.367
26.	Cyeza	400.000
27.	Karambi	337.653
28.	Kigoma	268.867
29.	Kabuga	267.307
30.	Nzuki	266.667
31.	Nyabinyenga	-
<b>Ahandi haturutse inkunga</b>		
32.	Amashuri	109.333
<b>Igiteranyo</b>		<b>31.372.848</b>

**Diyosezi ya Kibungo**

N°	Paruwasi	Inkunga yabonetse
1.	Kibungo	1.410.050
2.	Musaza	948.660
3.	Gahara	910.800
4.	Zaza	835.900
5.	Rwamagana	750.800
6.	Kirehe	714.100
7.	Bare	646.920
8.	Ruhunda	636.102
9.	Rukara	598.750
10.	Gashiru	533.300
11.	Nyarubuye	518.000
12.	Rukoma	504.000
13.	Rusumo	496.760
14.	Gishanda	432.630
15.	Rukira	369.240
16.	Kabarondo	284.200
17.	Kansana	272.890
18.	Kiyanzi	210.400
19.	Munyaga	175.550
20.	Mukarange	173.330
21.	Remera	165.330
22.	Nyakabungo	160.000
<b>Ahandi haturutse inkunga</b>		
23.	Amashuri	3.056.650
<b>Igiteranyo</b>		<b>14.804.362</b>

**Diyosezi ya Ruhengeri**

N°	Paruwasi	Inkunga yabonetse
1.	Ruhengeri	9.265.333
2.	Butete	7.676.780
3.	Runaba	4.352.000
4.	Bumara	3.833.653
5.	Nemba	3.606.860
6.	Rwaza	3.582.773
7.	Busogo	2.933.333
8.	Mwange	2.686.667
9.	Kampanga	2.150.387
10.	Murama	1.449.613
11.	Janja	1.400.000
12.	Gahunga	1.385.500
13.	Nyakinama	1.143.051
14.	Kinoni	1.004.840
15.	Nyamugari (Ntiratahwa)	1.000.000
16.	Busengo	708.000
17.	Kanaba	621.480
18.	Nkumba (Ntiratahwa)	53.333
<b>Igiteranyo</b>		<b>48.853.604</b>

**Diyosezi ya Byumba**

N°	Paruwasi	Inkunga yabonetse
1.	Nyarurema	1.000.000
2.	Bungwe	800.000
3.	Ngarama	612.250
4.	Kiziguro	600.000
4.	Mimuli	600.000
6.	Gituza	400.000
7.	Mutete	386.580
8.	Rushaki	350.000
9.	Nyinawimana	307.965
10.	Matimba	303.000
11.	Muhura	300.000
12.	Gihengeri	234.440
13.	Rukomo	233.350
14.	Byumba	210.000
15.	Nyagatare	209.000
16.	Burehe	205.000
17.	Nyagisozi	187.300
18.	Mulindi	126.800
19.	Runyinya	131.300
20.	Nyagahanga	90.120
21.	Kinihira	-
22.	Rwamiko	-
23.	Nyakayaga	-
24.	Kisaro	-
25.	Muyananza	-
<b>Igiteranyo</b>		<b>7.287.105</b>

**Diyosezi ya Cyangugu**

N°	Paruwasi	Inkunga yabonetse
1.	Nyamasheke	2.200.000
2.	Nyabitimbo	2.068.770
3.	Mwezi	1.512.250
4.	Mushaka	1.400.000
5.	Nkanka	1.370.880
6.	Shangi	1.145.940
7.	Cyangugu	1.027.450
8.	Ntendezi	704.250
9.	Rasano	700.250
10.	Giheke	618.100
11.	Mibilizi	611.460
12.	Nyakabuye	602.500
13.	Bukunzi	595.150
14.	Runyanzovu	591.550
15.	Mugomba	570.670
16.	Muyange	453.000
17.	Yove	451.090
18.	Nkombo	432.560
19.	Tyazo	426.410
20.	Hanika	422.500
21.	Mashyuza	406.250
<b>Ahandi haturutse inkunga</b>		
22.	Amashuri	6.483.210
23.	FOSA et congrégations religieuses	304.700
<b>Igiteranyo</b>		<b>25.098.940</b>

**Diyosezi ya Nyundo (umusaruro wa zone Gisenyi na zone Kibuye)**

Zone Gisenyi			Zone Kibuye		
N°	Paruwasi	Inkunga yabonetse		Paruwasi	Inkunga yabonetse
1.	Busasamana	2.460.995	1.	Murunda	2.061.946
2.	Gisenyi	2.358.670	2.	Mubuga	2.023.430
3.	Muramba	2.156.270	3.	Nyange	2.001.505
4.	Kinunu	1.625.710	4.	Kibirizi	1.609.590
5.	Rambura	1.537.430	5.	Congo Nil	1.555.320
6.	Nyundo	1.504.440	6.	Gisovu	1.365.630
7.	Muhororo	1.430.180	7.	Birambo	1.363.675
8.	Kora	1.384.145	8.	Gakeri	1.126.720
9.	Kivumu	1.269.100	9.	Kibingo	1.067.870
10.	Kabaya	1.221.295	10.	Kibuye	1.007.520
11.	Biruyi	1.125.110	11.	Mushubati	880.640
12.	Rususa	923.750	12.	Mukungu	738.940
13.	Nyabirasi	909.840	<b>Ahandi haturutse inkunga</b>		
14.	Gatovu	899.875	13.	Abakozi ba Caritas	203.000
15.	Muhato	803.250			
16.	Rambo	780.000			
17.	Kavumu	707.490			
18.	Kanama	245.720			
19.	Mbugangali	130.500			
20.	Staff Caritas	200.000			
<b>Igiteranyo</b>		<b>23.673.770</b>	<b>Igiteranyo</b>		<b>17.005.786</b>
<b>Igiteranyo cyose</b>		<b>40.679.556</b>			

## Arikidiyosezi ya Kigali

N°	Paruwasi	Inkunga yabonetse	N°	Paruwasi	Inkunga yabonetse
1.	Kacyiru	3.215.410	23.	Musenyi	446.220
2.	Gihogwe	2.749.710	24.	Rilima	414.370
3.	Sainte Famille	2.666.735	25.	Karama	407.920
4.	Rulindo	2.150.000	26.	Mayange	404.667
5.	Kabuye	2.118.550	27.	Butamwa	404.450
6.	Nyamirambo	1.585.100	28.	Muhondo	397.620
7.	St Michel	1.564.746	29.	Nkanga	371.220
8.	Gikondo	1.533.335	30.	Shyorongi	317.000
9.	Kicukiro	1.400.610	31.	Karenge	309.080
10.	Regina Pacis	1.391.540	32.	Ruhuha	295.400
11.	Nyamata	1.292.620	33.	Gishaka	273.600
12.	Ndera	1.269.770	34.	Gahanga	265.630
13.	Kimihurura	1.027.240	35.	Rwankuba	254.050
14.	Kigarama	1.020.250	36.	Musha	230.870
15.	Kabuga	869.500	37.	Kamabuye	230.450
16.	Kanombe	826.547	38.	Mbogo	204.700
17.	St Pierre	812.400	39.	Gitabage	197.700
18.	Rushubi	750.000	40.	Rusasa	186.450
19.	Rutongo	545.730	41.	Mugote	182.500
20.	Masaka	480.700	42.	Munanira	148.000
21.	Muyumbu	460.480	43.	Munyana	130.000
22.	Ruli	458.700	44.	Rutonde	70.000
<b>Igiteranyo</b>			<b>36.331.570</b>		

## AMASHAMI YA CARITAS RWANDA N'IBIKORWA BYAYO

### I. Ishami ryita ku Batishoboye

Ishami ryita ku Batishoboye, ni ryo shingiro ry'ubutumwa bwa Caritas kandi mu mateka ya Caritas ni ryo ryavutse mbere y'ayandi. Ibikorwa byaryo binyura muri izi serivisi eshatu: (i) ubukangurambaga n'ama-hugurwa, (ii) ubutabazi no (iii) gutabara abahuye n'ibiza.



**Sr Gaudiose Nyiraneza, ushinzwe  
Ubukangurambaga  
n'Ubutabazi mu Ishami ryita ku Batishoboye.**

Muri serivisi y'ubukangurambaga n'amahugurwa, harimo ibikorwa bihamagarira abantu kubana mu rukundo rwa kivandimwe no kwita ku batishoboye bose nta kuvangura. Abakene nabo bakangurirwa kumenya ubushobozi bifitemo kugira ngo bivane mu bukene biteze imbere.

Iri shami kandi ni ryo ryita ku buryo bwihariye ku bikorwa byo gufasha abantu kubana mu bwiyunge no mu mahoro. Ubukangurambaga n'amahugurwa bikorwa n'abakozi n'abakorabushake ba Caritas basanga abantu muri sosiyete, mu mashuri makuru n'amato, muri za Seminari Nkuru n'ahandi. Ubu bukangurambaga kandi bukorwa binyuze mu bitangazamakuru binyuranye byaba ibyanditse, radiyo na televiziyo.

Ikiba kigamijwe muri byose, ni ugukangurira abantu inshingano zo kwita ku bavandimwe bacu batishoboye, kubungabunga agaciro Imana yabaremanye, kuko Yezu atubwira ko tuzabahorana. Mu yandi magambo Yezu tuzamuhorana muri bo (Mk 14,7).

Serivisi y'ubutabazi ishinzwe gufasha mu buryo bufatika abakene n'abatishoboye b'ingeri zinyuranye nta kuvangura, cyane cyane imfubyi, n'abapfakazi, impunzi n'abimukira, imfungwa n'abagororwa, abageze mu zabukuru n'abafite ubumuga (Mt 25,35-36).

Serivisi yo gutabara abahuye n'ibiza ishinzwe guhugura abakozi n'abakorabushake ku bijyanye n'uburyo bwo gukumira ibiza ndetse n'uburyo bwo gutabara byihuse abahuye n'ibiza bakoresheje ubufasha bufatika n'ubwo kubaba hafi mu ihungabana bahura naryo.

Ubu butabazi Caritas Rwanda ibukora mu gihugu imbere ndetse no mu bindi bihugu. Ubufasha Caritas Rwanda yahaye abakene muri iri Shami ryita ku Batishoboye, bwabafashije kugera kuri ya ntego yo kubasubiza agaciro baremanye no kugira ubuzima bukwiye ikiremnamuntu.


## Ibyagezweho mu Ishami ryita ku Batishoboye (mu myaka ishize)

I.



### Umusanzu mu bijyanye n'uburezi

Abantu **375.326** bafashijwe kwiga bagira ubumenyi mu buryo bukurikira:




II.



### Ubundi bufasha

Abantu **533.655** bahawe ubufasha butandukanye na Caritas nk'uko bugaragara kuri iki gishushanyo



III.




### Gushakira abatishoboye amacumbi no kubaremera



Imiryango **48.358** yubakiye amacumbi yo kubamo.



Kuva mu 2012, imiryango itishoboye **8.969** yahawe inkunga y'amafaranga arenga miliyari 4.8 y'amafaranga y'u Rwanda kugira ngo ikore imishinga ibyara inyungu.



Abatishoboye **13.287** bafashijwe kubona amabati, ibiryamirwa, n'ibikoresho byo mu rugo n'iby'isuku.



Amatungo maremare n'amagufi **65.842** yahawe imiryango itishoboye ngo yiteze imbere.

IV.



### Ukwezi kw'Urukundo n'Impuhwe

Umusaruro w'Ukwezi kw'Urukundo n'Impuhwe ni igikorwa cyashyizweho n'Abepiskopi Gatolika, kigamije gufasha abatishoboye n'abahura n'ibiza mu gihugu no hanze yacyo. Izi nkunga zitangwa n'abakristu n'abandi bantu b'umutima mwiza, bikaba bikorwa mu gihugu hose mu kwezi kwa 8, uhereye mu muryangoremezo.

Kuva mu 1999, inkunga yakusanyijwe irenga **miliyari 1.5 z'amafaranga y'u Rwanda**, yiyongeraho inkunga itangwa n'abafatanyabikorwa n'abandi baterankunga batandukanye.

Uretse inkunga y'amafaranga, hanakusanywa kandi hakanatangwa ibiribwa, imyambaro, ibikoresho byo mu rugo n'iby'isuku, bigashyikirizwa abakeneye ubufasha.

## Ubuhamya

### Abakuzwe bafashijwe na Caritas kwiga gusoma no kwandika bishimira ko bajijutse



*Thérèse Uwizeyemariya umwe mu bigishijwe gusoma bakuzwe na Caritas Gikongoro.*

Bimwe mu bikorwa Caritas yakoze mu myaka 66 imaze ishinze mu Rwanda, harimo guteza imbere gusoma no kubara ku bakuzwe, aho mu myaka 31 (1994 – 2025) yafashije abarenga 48.477. Thérèse Uwizeyemariya na Argénèse Ruzindana bo muri Diyosezi ya Gikongoro ni bamwe mu bigishijwe na Caritas Gikongoro kuva 2006 kugeza 2008.

Thérèse avuga ko icyamuteye umwete wo kujya kwiga akuzwe icya mbere ari uko yabikanguriwe, icya kabiri akaba yarababazwaga n’uko atabashaka gusoma nk’abandi, aho yanyuraga ku cyapa ntamenye icyo gisobanuye, cyangwa bakajya mu mahugurwa we ntabashe kujyayo kuko atari azi kwandika. Yagize ati: “Ugasanga nk’ubwo ndi mu itsinda ryo kwizigama ariko ibyo barimo

kwandika ntabizi, ariko nyuma yo kwiga, ibyo bandika byose mba mbisobanukiwe”.

Argénèse Ruzindana nawe biganye avuga ko nyuma yo kwiga gusoma no kwandika abasha kwisomera ibitabo n’ubutumwa bugufi kuri telefone. Ati: “Twarajijutse, ubu rwose twavuye mu bwigunge. Ubu umpaye n’igitabo nagisoma”.

Caritas yakoze igikorwa cyo kwigisha abakuzwe gusoma no kwandika hirya no hino mu gihugu binyuze muri Caritas za diyosezi n’iza paruwasi.



*Ruzindana Argénèse ubwo yiyibutsaga ibyo yize.*

Kugira ngo batibagirwa ibyo bize, Thérèse na Argénèse bavuga ko basoma igitabo cy’umukristu na Bibiliya, bakaba bashimira Caritas yabafashije kujijuka ikabakura mu bwigunge.

## Ubuhamya

### Jean Paul na Alphonsine batuye heza nyuma yo kubakirwa inzu



**Jean Paul, Alphonsine, n'abana babo, imbere y'inzu bubakiwe.**

Umuryango wa Habamenshi Jean Paul na Bayavugemunyurwe Alphonsine utuye mu mudugudu wa Birambo, Akagali ka Birambo, Umurenge wa Gitesi mu Karere ka Karongi, wubakiwe inzu wishimira, kuko aho wabaga hatari heza. Uyu ni umwe mu miryango yubakiwe na Caritas.

Igikorwa cyo kubaka iyi nzu cyatangiyeyi ku itariki ya 1 Nzeri 2022 binyuze mu mushinga Tubeho Neza Amazi Hafi watewe inkunga na Caritas Solovenia ifatanije na Minisiteri y'ububanyi n'amahanga ya Slovenia. Uyu mushinga washyizwe mu bikorwa na Caritas Kibuye, ukurikiranwa na Caritas Rwanda.

Inzu yaruzuye maze ishyikirizwa ba nyirayo mu birori byabaye ku mugaragararo ku itariki ya 23 Mutarama 2023, byari byitabiriwe n'abayobozi b'inzego z'ibanze n'abaturage.

Ni inzu ifite ibyumba bitatu n'uruganiriro, igikoni hanze, ubwogero n'ubwiherero.

Yubatswe mu buryo butangiza ibidukikije. Alphonsine ashimira cyane ababateye inkunga kuri ubu bakaba batuye ahantu heza. Yagize ati: "Twabaga mu tuzu duto cyane, imvura iyo yagwaga amazi yinjiraga mu nzu, yahita bikaba ngombwa ko tuyadaha tuyasuka hanze".

Mu gihe cyo kubaka iyi nzu kandi, Alphonsine avugaga ko we n'umugabo we bahawemo akazi k'ubuyede, bibafasha no kubona igitunga umuryango. Ati: "Ubwo yubakwaga, naribazaga nti ariko buriya koko iriya nzu ni iyanjye? Ariko yaruzuye turayitaha. Ndashima abaduteye inkunga, Imana ijye ibaha umugisha wa buri muni".



**Jean Paul imbere y'inzu ya cyera.**



**Ubwo inzu nshya yubakwaga.**

## II. Ishami ry'Ubuzima



### *Ibitaro bya Kabgayi.*

Ishami ry'ubuzima rya Caritas Rwanda rifite ubutumwa bwo guteza imbere urwego rw'ubuzima hagamijwe ko buri wese agerwaho na serivisi z'ubuvuzi zidahenze kandi zifite ireme. Rigamije kandi kurengera ubuzima, gukumira, no kuvura indwara zitandukanye harimo n'ubuvuzi bw'isanamitima, byose bikaba bikorwa hashingiwe ku mahame n'imyizerere ya Kiliziya Gatolika.

Ishami ry'ubuzima rifite serivisi 4 z'ingenzi ari zo:

(i) Serivisi ishinzwe guhuza ibikorwa by'ubuvuzi by'amavuriro ya Kiliziya Gatolika ku rwego rw'igihugu;

(ii) Serivisi ishinzwe gukumira no kuvura indwara zandura n'izitandura;

(iii) Serivisi ishinzwe imirire myiza n'iterambere ry'abana bato;

(iv) Serivisi ishinzwe guteza imbere gahunda yo guteganya imbyaro hakoreshejwe uburyo bwa kamere.

Ishami ry'ubuzima ryagiye riyubaka cyane cyane nyuma ya jenocide yakorewe abatutsi mu 1994. Habaye-ho igihe twakwita icy'ubutabazi (imyaka itatu) cyo gusana no kubaka ibikorwaremezo n'ibigo by'ubuvuzi bya Kiliziya Gatolika. Ibi byakozwe ku bufatanye na za Caritas zo ku muga-bane w'Uburayi n'ahandi, zirimo

Caritas Italie, Caritas Espagne, Caritas Austria, Secours Catholique France na Caritas Australia.

Ubufasha bw'inzobere bwatanzwe cyane cyane na Caritas Italie, bwagize uruhare rungana na 80% by'inkunga yose yatanzwe. Mu mwaka wa 1998, Inama Nkuru y'Abepiskopi Gatolika mu Rwanda yeguriye Caritas Rwanda inshingano zo gukora ihuzabikorwa ry'inzego z'ubuzima za Kiliziya Gatolika ku rwego rw'igihugu.

Ubutumwa bwahawe Caritas Rwanda mu rwego rw'ubuzima ni uguteza imbere gahunda zose zigamije kubungabunga no guteza imbere ubuzima kandi zishingiye ku myemerere n'amahame ya Kiliziya Gatolika (Yh 10,10).

Mu rwego kandi rwo gukomeza kunganira Leta muri gahunda yayo yo kwegereza serivisi z'ubuzima abaturage, kugeza ubu Kiliziya Gatolika ifite ibitaro 7 byo ku rwego rw'Akarere n'ibitaro 4 byihariye (Hôpitaux spécialisés). Ifite kandi ibigo nderabuzima 110 biri mu turere twose tw'igihugu. Hari n'amavuriro y'ibanze agera ku 114 (postes de santé), ari mu mbago z'ibyo bigo nderabuzima. Hakaba kandi urwego rw'abajyanama b'ubuzima bakorana n'ibyo bigo



**Dr Jean Bosco Kanani, Umuyobozi w'Ishami ry'Ubuzima muri Caritas Rwanda.**

umunsi ku munsi.

Kiliziya Gatolika ifite kandi amashuri yisumbuye na kaminuza byigisha abafomoro n'ababyaza ku rwego rwa A1 na A0. Ibyo bigo tubisanga muri Diyosezi ya Ruhengeri, iya Butare, Kabgayi, Kibungo no muri Arikidiyosezi ya Kigali.

Mu rwego rw'imikorere n'imikoranire n'izindi nzego, Kiliziya Gatolika ifitanye amasezerano na Leta y'u Rwanda binyuze muri Ministeri y'Ubuzima. Aya masezerano ateganya uburyo bugenwa n'amategeko ajyanye n'ishingwa, ishyirwa mu bikorwa, icungwa n'ubufatanye hagati ya Ministeri y'Ubuzima na nyir'ikigo cy'ubuvuzi gihabwa inkunga na Leta.

## Ibyagezweho mu Ishami ry'Ubuzima

### I. Imirire myiza n'Imbonezamikurire y'abana bato

#### Imirire myiza n'Imbonezamikurire y'abana bato



Caritas yashyizeho ibigo mbonezamikurire **45.122**, bihabwa ibikenewe mu kwita ku bana.



Abana **1.794.595** bitabiriye kujya mu bigo mbonezamikurire byashyizweho na Caritas, bagira ubuzima bwiza.



Abana **49.570** bari bafite imirire mibi bafashijwe kuyivamo.



Abareze **2.585.673** bahuguwe ku nkingi 6 z'imbonezamikurire y'abana bato.



Amashuri mbonezamikurire **2.724** yashyizweho hagamiywe guteza imbere imikurire myiza y'umwana.

### II.



### Gukumira indwara zandura n'izitandura

01



#### Kurwanya malariya

Ubwandu bwa malariya bwagabanutse ku kigero cya **77%** mu **turere 30** twose tw'igihugu (aho Caritas ikorera ibikorwa byo kurwanya malariya).

02



#### Kurwanya igituntu

Abaganga **220** bo ku bigo nderabuzima n'ibitaro by'uturere bahuguriwe gukumira, gusuzuma no kuvura igituntu.

Abajyanama b'ubuzima **2.760** bahuguriwe gufasha mu gusuzuma hakiri kare igituntu.

Abantu **15.792** bagaragaweho ibimenyetso by'igituntu boherejwe kwa muganga barasuzumw. **849** muri bo byagaragaye ko barwaye igituntu bitaweho.

03



#### Kurwanya SIDA

Buri mwaka abantu barenga **85.000** bapimwa SIDA mu mavuriro ya Kiliziya Gatolika, banahabwa inama z'uburyo bakwitwara.

Abafite ubwandu bwa SIDA **33.800** bahabwa imiti igabanya ubukana kandi bagakomeza kwitabwaho.


Abangavu n'abakobwa barenga **45.000** baganirijwe ku buzima bw'imyorokere, kwirinda SIDA, no gukumira ihoterwa rishingiye ku gitsina.

III.



Gukangurira abashakanye guteganya imbyaro hakoreshejwe uburyo bwa kamere (PFN)

Ingo z'abashakanye **442.205** ziteganya urubyarwo hakoreshejwe uburyo bwa kamere. Igishushanyo gikurikira, kigaragaza ubwitabire kuri iyi serivisi kuva 2020 kugeza 2023:



**Abantu bashya bitabiriye gahunda yo guteganya imbyaro hakoreshejwe uburyo bwa kamere**

Abantu barenga **3.734.778** bakanguriwe kwitabira gukoresha uburyo bwo guteganya imbyaro hakoreshejwe uburyo bwa kamere. Ubu bukangurambaga bwakorewe muri paruwasi gatolika zose mu 2024.

## Rulindo: Kwita ku bana bafite imirire mibi byatanze umusaruro



**Ababyeyi bo mu Karere ka Rulindo, ubwo bari barimo kwita ku mwana wabo kugira ngo arushaho kugira imirire myiza.**

mu kugura ibiribwa bikungahaye ku ntungamubiri, birimo amata, biboneka aho abantu batuye kugira ngo imirire y'aba bana izahuke. Buri rugo rufite umwana wazahaye rwahawe Frw 9.000.

Nyuma y'iki gikorwa cyo kuzahura imirire ku bana, ubuzima bw'abana 197 bari bafite imirire mibi cyane bwatangiyeye kugaragaza ibimenyetso ko bwazahutse. Ibiro byabo n'ububure byatangiyeye kwiyongera, kandi ubuzima bwabo muri rusange burushaho kuba bwiza. Gikuriro Kuri Bose yakomeje gukurikirana aba bana na nyuma y'uko iyi gahunda isojwe, kugira ngo badasubira inyuma.

Muri Mata na Gicurasi 2023, Caritas Rwanda ibinyujije muri porogaramu yari ifite yitwa Gikuriro Kuri Bose yakusanyije amakuru ajyanye n'umubare w'abana bafite imirire mibi bo mu Karere ka Rulindo, itanga ubushobozi ku miryango itishoboye kugira ngo imirire y'aba bana izahuke mu gihe cy'iminsi 12. Muri iki gihe, abana 197 bari bafite imirire mibi bongeye kugira ubuzima bwiza.

Mukamana Béatrice, ufite umwana wakize imirire mibi nyuma y'iyi minsi 12, yagize ati: *“Umwana wacu yari amaze igihe kinini afite ikibazo cy'imirire mibi. Byaratubabazaga cyane guhora tubwirwa n'abajyanama b'ubuzima ko umwana wacu ari mu muhondo (afite imirire mibi) imbere y'abandi babyeyi bafite abana bakura neza. Ku giko nderabuzima baduhaga amata ariko imirire mibi yanga gushira. Iyi minsi 12 yatubereye igisubizo, turavuga ngo reka dukoreshe imbaraga zose n'inama tugirwa, none umwana wacu ameze neza.”*

Muri iki gikorwa, Gikuriro Kuri Bose yakoranye n'Akarere ka Rulindo, inzobere mu by'ubuzima n'abakore-rabushake batandukanye, hategurwa gahunda zinyuranye zirimo kwita ku mirire, gutanga serivisi z'ubuzima, gukora ubukangurambaga burebana no kwita ku mirire myiza no guteza imbere ubukungu mu baturage.

Inkunga y'amafaranga yakoreshejwe

### III. Ishami ry’Iterambere

Ishami ry’Iterambere rikorana n’ibyiciro byose by’abaturage mu kubateza imbere. Ibikorwa by’iri shami byibanda cyane cyane mu gufasha abahinzi n’aborozi bibonge-rera ubushobozi mu gukora ubuhinzi n’ubworozi bubungabunga ibidukikije. Ibi bigerwaho akenshi binyuze mu mahugurwa, ingendoshuri, gutanga inyongeramusaruro, ndetse no kubahuza n’amasoko.

Uretse kongera umusaruro w’ubuhi-nzi n’ubworozi, Caritas ifasha abafatanyabikorwa shingiro mu kongerera umusaruro agaciro. Ibi bibafasha kubona inyungu yisumbuyeho.

Ibi bikorwa byunganirwa no kubafasha kwibumbira mu matsinda yo kwizigama no kugurizanya, abafasha kwiteza imbere mu bukungu, kubona inguzanyo, no kongera ubushobozi bwo guhangana n’ibibazo by’imibereho kuko ayo matsinda yose agira ikigega cy’ingoboka, gifasha mu gihe hari uhuye n’ibibazo bitunguranye nk’uburwayi cyangwa ibiza byashoboraga kumusubiza inyuma mu rugendo rw’iterambere.



**Bwana Emmanuel Uwiragiye, Umuyobozi w’Ishami ry’Iterambere muri Caritas Rwanda**

Ishami ry’Iterambere na none rikorana na hafi n’abikorera, hagamijwe gufasha uruburako kubona imirimo myiza kandi irambye. Ibi bigerwaho binyuze mu kubafasha kwiga imyuga cyangwa se imenyerezamwuga, nka bumwe mu buryo bwo kugabanya ubukene n’ubushomeri mu ruburako. Nyuma y’amahugurwa bamwe bahanga imyuga ijyanye n’ibyo bahuguwemo, abandi bagahuzwa n’abashobora kubaha akazi.


Ibi bikorwa binyuranye byose bihuriza ku gufasha abafatanyabikorwa shingiro gusubirana agaciro baba barambuwe n’ubukene maze bigatuma bagira uruhare rwuzuye muri gahunda z’igihugu aho kubaho bateze amaboko cyangwa bategereje ubufasha (Laborem Exercens, N<sup>o</sup> 4).

## Ibyagezeweho mu Ishami ry'Iterambere

I.




Kongera umusaruro w'ubuhinzi n'ubworozi



II.




Kwegerezwa serivisi z'imari, kwihangira imirimo, n'akazi



III.



Guhangana n'imihindagurikire y'ikirere no gucunga neza umutungo kamere



## Yahoze ahingira abandi, none acuruza umusaruro w'abo yahingiraga



Ethane Jean Bosco ni umusore w'impunzi ukomoka mu gihugu cy'u Burundi, utuye mu nkambi y'impunzi ya Mahama. Ethane wahoze ahingira abandi kugira ngo abeho, asigaye acuruza imbuto, imboga, ubuki, ifu zitandukanye, ibinyampeke n'ibindi biribwa bitandukanye mu isoko rya Mahama II.

Ethane avuga ko intambwe yateye mu mibereho ye ayikesha amahugurwa n'inkunga y'amafaranga ingana na Frw 800.000 yahawe binyuze mu mushinga wa Graduation wa Caritas Rwanda, uterwa inkunga n'Ishami ry'Umuryango w'Abibumbye ryita ku Mpunzi UNHCR.

Iyo avuga ubuhamy bwe, Ethane yemeza ko mbere yajyaga ahinga mu mirima y'abandi kugira ngo abone icyamutunga . Ati: "Nabeshwagaho

*no guhinga mu mirima y'abandi. Ariko nyuma yo guhabwa inkunga ya Frw 800.000 muri Kamena 2023, natangiye kugura no kugurisha umusaruro w'abo nari nsanzwe nkorera. Ubu nishimira ko nanjye hari abakozi babiri nahaye akazi mpemba ku kwezi."*

Uyu musore akomeza ashimangira ko ubu abona inyungu ingana na Frw 150.000 ku kwezi kandi itarimo ayo akoresha mu byo akenera mu kwezi. Imibereho ye yahindutse mu buryo bugaragara; imikoranire ye n'amatsinda yo kuzigama n'ibigo by'imari iciriritse yateye imbere, ndetse afite igishoro kigeze kuri Frw 3.000.000 akoresha mu bucuruzi bwe.



## IV. Ishami ry'Ubutegetsu n'Imari

Mu 2010, hashyizweho Ishami rishinzwe Ubutegetsu n'Imari, kugira ngo ricunge neza umutungo w'amafaranga, abakozi n'ibikoresho ndetse no gutekereza ku ishoramari rigamije kongera umutungo bwite w'ikigo.

Iri shami ryafashije mu gukusanya ubushobozi binyuze mu gupiganira imishinga itandukanye, bituma habaho kugirana ubufatanye n'abaterankunga batandukanye barimo Leta y'u Rwanda, Leta Zunze Ubumwe z'Amerika, Umuryango w'Ubumwe bw'ibihugu by'Uburayi, HCR, World Vision, Plan International Rwanda, Caritas zo mu bindi bihugu, ndetse n'abandi.



**Madamu Pauline KAYITARE MPINGANZIMA, Umuyobozi w'Ishami ry'Ubutegetsu n'Imari.**

Ishami ry'Ubutegetsu n'Imari rifite uruhare rukomeye mu gukusanya ubushobozi mu gihugu hagamijwe kubaka Caritas Nyarwanda. Mu kwezi kwa munani, mu gihugu hose hakusanywa inkunga, igashyirwa mu kigega cy'Ukwezi kw'Urukundo n'Impuhwe kigoboka abagizweho ingaruka n'ibiza.

Abakozi ba Caritas ku nzego zose hamwe n'abakozi b'ibigo byayo

by'ubucuruzi, nka Centenary House na Librairie Caritas batanga inkunga buri kwezi mu kigega "Umusemburo wa Caritas Nyarwanda". Haracyigwa uburyo ubu bukangurambaga bwagezwa no mu bindi bigo byaba ari ibishamikiye kuri Kiliziya, ibya Leta ndetse n'iby'abikorera ku giti cyabo.

Mu rwego rwo kwigira, Caritas Rwanda yubatswe inzu y'ubucuruzi yahawe izina rya Centenary House, ndetse n'inzu nto zo guturamo zikodeshwa. Yashoye imari mu bucuruzi bw'imitako ndetse n'ibihangano by'ubugeni, ibitabo n'ibikoresho byifashishwa mu mashuri no mu biro, bigurishwa na Librairie Caritas.



**Centenary House, inzu y'ubucuruzi ya Caritas Rwanda.**

Caritas ifite kandi imigabane mu bigo by'ubucuruzi, ari byo RIM itanga serivisi z'imari na SODAR, uruganda rutunganya umusaruro w'umuceri mu gishanga cya Bugarama.


Binyuze mu micungire inoze icye mu mucyo ndetse no kubahiriza amategeko mpuzamahanga agenga imicungire y'umutungo (Mt 25, 21), iri shami rikomeza kugira uruhare rukomeye mu kunoza imikoranyire n'abafatanyabikorwa ba Caritas Rwanda bose.



## Aho umutungo Caritas Rwanda ikoresha uturuka

Ibikorwa bimaze kuvugwa n'ibitakomajweho, byashyizwe mu bikorwa ku bufatanye bukomeye n'uruhare rw'abaterankunga batandukanye mu by'imari, bose biyemeje gushyigikira Caritas Rwanda mu butumwa bwayo bwo kwita ku batishoboye no guteza imbere imibereho myiza yabo.

Kuva mu 2015 kugeza mu 2024, umutungo wakoreshwe ni aha waturutse:





## Abafatanyabikorwa ba Caritas Rwanda



## Gushimira



**Padiri Oscar KAGIMBURA, Umunyamabanga Mukuru wa Caritas Rwanda.**

Ubutumwa bwa Caritas bwo kwita ku batishoboye bushingiye ku Ivanjiri ya Yezu Kristu, ari naho bukomora umwihariko wabwo. Kwizihiza Yubile y'impurirane muri Kiliziya Gatolika, ni n'umwanya wo kwishimira ibikorwa byose Caritas Rwanda yakoze mu myaka 66 imaze ishinzwe.

Muri iki gihe cyo gushimira Imana, turanashimira Guverinoma y'u Rwanda n'abandi bafatanyabikorwa bose bagize uruhare mu bikorwa Caritas ya-

gezeho mu Rwanda.

Bafatanyabikorwa bacu, turabizeza ubunyangamugayo, kandi tuboneraho kubasaba gukomeza kudushyigikira muri ubwo butumwa bwo kubera Inkuru Nziza abakene, abakandamizwa n'abatagira kirengera abo ari bo bose, kandi tukayibagezaho nk'uko Yezu ubwe yabigenzaga (Lk 4, 18).

Murakoze cyane.

## **Komite ishinzwe Ubwanditsi – Caritas Contact 2025**

**Umuyobozi w’Ubwanditsi:** Padiri Oscar Kagimbura, Umunyamabanga Mukuru wa Caritas Rwanda;

**Umuhuzabikorwa w’Ubwanditsi:** Prosper Sebagenzi, Umuyobozi ushinzwe Porogaramu muri Caritas Rwanda;

### **Abanditsi:**

- Pauline Kayitare Mpinganzima, Umuyobozi w’Ishami ry’Ubutegets n’Imari;
- Sr Gaudiose Nyiraneza, Ushinzwe Ubukangurambaga / Ishami ryita ku Batishoboye;
- Dr Jean Bosco Kanani, Umuyobozi w’Ishami ry’Ubuzima;
- Emmanuel Uwiragiye, Umuyobozi w’Ishami ry’Iterambere;

**Umwanditsi mukuru:** Marie Olive Uwera;

### **Abanoza inyandiko:**

- Jeanne d’Arc Manirareba; Ushinzwe ikurikirana n’isuzuma ry’ibikorwa byo mu ishami ry’Ubuzima;
- Cyprien Rukemanganizi, Ushinzwe ikurikirana n’isuzumabikorwa mu ishami ry’amajyambere.



# Caritas Rwanda

Caritas Rwanda yashinzwe mu mwaka w'1959 n'Abepiskopi Gatolika bo mu Rwanda. Yemewe ku mugaragaro nk'Umuryango udaharanira inyungu n'iteka rya Minisitiri N° 499/08 ryo mu mwaka w'1960, ihinduka umuryango utari uwa Leta hakurikijwe itegeko N° 06/2012 ryo kuwa 17/02/2012 rigena imitunganyirize n'imikorere by'imiryango ishingiyeye ku idini mu Rwanda.

Kuva mu 1965, Caritas Rwanda yinjiye mu muryango waguye wa Caritas Internationalis, uhuza Caritas 162 zo ku isi. Caritas Rwanda ni umuryango ukorera mu gihugu hose, ubinyujije muri Caritas icumi (10) za Diyosezi Gatolika mu Rwanda, Caritas za Paruwasi 236, Caritas za santarali 1.016 n'imiryangoremezo 34.080.

## Icyerecyezo

Guharanira iyubahirizwa ry'agaciro ka muntu kuri buri wese.

## Intego

Gufasha abatishoboye kugera ku iterambere ryuzuye, bikorwanywe Urukundo rw'Imana, rubwirizwa n'Ivanjiri.

## Indangagaciro

- Agaciro ntahangarwa k'ikiremhamuntu;
- Ubufatanye;
- Ubwitange;
- Ubwuzuzanye;
- Urukundo n'impuhwe;
- icyizere;
- Uburinganire;
- Imicungire iboneye.